

Q. D. B. V.
 DISPUTATIO MEDICA
 INAUGURALIS,
 DE
 ALVO
 HÆMORRHOÏDA,

QUAM
 PRÆSIDE
 D. RUDOLPHO JACOBO
 CAMERARIO,

Medicinæ Professore Ordinario,
 PATRONO SUO VENERANDO,
 PRO LICENTIA

SUPREMOS IN MEDICINA HONORES
 legitime consequendi,
publico examini submittit

LUCAS ALBERTUS PLATTENHARDT,
Eslingensis,

Ad Diem Aprilis,
Hor. locque sol.

TUBINGÆ.
 Typis, Jo. Cunradi Reisii Viduæ.
 Anno MDCCXXI.

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY



Σ. Θ.



Quod intendere dicitur Natura Humana, ad ejus primum tamen conspectum videtur cohorrescere : metu fortè vano, aliàs justo. Sanguis, vitæ thesaurus, ob id benè reconditus, ubi tamen foràs viam affectat, quem non percellit spectaculo inexpectato? Quod Homo instituit Interior, Exterior mirum reformidat. Et habet rationem tam ab insolito, quàm à suspecto, siquidem & pro tali actu medicè bonum desumitur ab integrâ causâ, malum à quolibet defectu. Hæmorrhagiæ fiunt in morbis non modò criticæ, sed & symptomaticæ, quanto magis loco & tempore in-

congruæ, importunæ; etiam per sanitatis latitudinem dubiæ, ut signum, ut causa: Ne de hæmaphobis in vel à phlebotomiâ collapsis quid dicam. Interim quàm familiares quibusdam, tam non nullius etiam sunt observantiæ & juxta aphorismorum ductum ordinis, nisi, cùm nulla regula sit sine exceptione, suas quoque patiantur anomalias. Latius se extendit hoc thema, quàm ut præsumamus tractare integrum; & sunt eo ipso declarato benè de publico meriti. Restringemus ergò ad partem modò & ætatem certam, illam inferiorem, hanc senilem, quæ quò fini propior, eò cautior observetur media, ad eum ducentia. Cùm enim disputandum fuerit nobis, libuit seligere bigam casuum medicorum geminam, historiam sc. alvi hæmorrhousæ, cujus resolutionem tentando, possit parari quid materiæ disputabilis Dnn. Opponentibus. Quod dum aggredimur, divinam prius opem imploramus, & mentionem sanguinis humani impuri per has pagellas facturi toties, suspiramus:

*Sanguis Jesu Christi, Filii Dei, emundet
nos ab omni peccato!*

C. I.

SEnex, valetudinis diu firmæ, ab anno uno & altero sensim afflictæ, renitens tamen & à morbo nuper resurgens, liber jam in mensem alterum, & tunc orthostadios, sub nem anni novum sibi & suspectum symptoma sequentem in modum narravit quondam:

Post noctem quietam, somni placidi, non pauci, cùm soleretur manè alvus, visus fuit Modus, Sensus Caloris, Consistentia Liquidior, aliquid monstri alere; Comparuit itaque respicienti exclusus cruor merus, non parcus, non coagulatus. Nec hoc satis. Sed recurrit per vices dejectio talis sincera terdhuc, ab octavâ matutinâ ad tertiam vespertinam; non ultrâ, sed tunc substitit ultrò. Fuit autem excretio illa sine tenesmo, absque dolore ventris aut dorsi, sine nausea, vomituritione, reliquo; non æque cum torminibus, sed cum flatibus modò & levi prodromo urgentiæ ad alvum. Interim æger non æger absque notabili alterationis sensu tulit id omne satis benè & facile, per diem sedebat & ambulabat in conclavi satis alacris, non mutatus, nec siticulosus præter modum, cum pulsu propè naturali: Ullius autem similis eruptionis per vitam non meminit, ne quidem guttarum cum fecibus, aut tumoris vel doloris extremarum ibi partium unquam.

Circumstantiarum plurium, pro declaratione talium casuum requisitarum, potiores & notiores suppetunt sequentes: Senectus provecta in ætatis lustrum decimum quartum, annum sexagesimum septimum; Habitus corporis firmus, non crassus tamen, macer potius & fusci coloris, temperamenti sic, non æquè animi, melancholici; Tempus anni solstitiale, ad solam Brumam, die sc. 23. decembris, tertio post PL. sub aere pluvioso ad nivolum, cum mercurio (si quidem & hujus in præi medicâ habenda est ratio) ab imo ad medium scalæ scandente in baroscopio.

Hic

Hic notare liceat paucis: per mensem istum auditum fuisse simile quid de alvo quibusdam personis cruentâ; sed quarum cum non suppetat noticia sufficiens, pluribus nequit fieri mentio. Videbatur tamen circumstantia non planè prætermittenda.

Diæta nuper ex ratione mox dicendâ parcior & tenuior aliquandiu iterum liberior & liberalior, erat apta utique subministrare materiam & motum erupturo ubicunque sanguini. Vitæ genus studiis quidem celebre, non ita tamen sedentarium, quin ad autumnum usque habuerit excursions in campum, olim tamen benè frequentiores: qualibus motibus vegetis multum videbatur debere sui adhuc vigoris. Sc. natura ipsius activa seriùs quidem ac apud multos alios senectæ incommoda & languores sentiens, affligi tamen sensim coeperat affectibus dicendis; resistebat autem diu satis fortiter. Sanitas annorum multorum constans raris interdum tentabatur podagræ insultibus, gradu inferiore, remissiore, & catarrhorum molestiis frequentioribus; gaudebat autem beneficio narium humidarum.

Gravior tandem versus medium Octobris Ipsum corripuerat affectus: Asthma spasmodicum, periodicum, maximè nocturnum. Hoc ab itinere, convivii, animi motibus, levi podagrâ citius justo remisisse visâ, & malleoli sinistri externi non profundâ, latâ tamen excoriatione ulcerosâ, ab æstate & frictione in thermis ferinis eò usque fluxui relictâ, tunc per chirurgum aquâ calcis, emplastris de sperm. ranar. de minio ut agebant sanatâ, proximam habuerat occasionem in longiore sub aere frigidiorè autumnali morâ. Inter & præter varia tunc adhibita remedia, institutæ fuerunt binæ venæsectiones in pede dextro, aliàs ipsi non familiares, (per multa enim lustrâ sanguinem non miserat) cum insigni saltu; cum phænomeno (ut nec hoc Senî per suos morbos familiare prætermittam) urinæ nunquam tingi observatæ. &c.

Asthma

Asthmate igitur in tertiam septimanam frequenter gravi sensum remittente, emanente, tandem feliciter superato, per novembrem & decembrem Noster quondam ita liber, in publicum progressus, ut non nisi rariores & leviores interdum sentiret reliquias, duo notavit phaenomena, profluvio isti cruoris ex alvo praecedanea: Sc. Nares praeter modum stillarunt sanguinem, sed perparcè, non ultra paucas guttas, has tamen senel atque iterum; quod suspectum aliàs, nec medicè benè audit, stillicidium. Item absque notâ causâ torminosi quid percursoriè vexarat ventrem, cujus gratia pridie injectum fuerat proprio consilio enema domesticum, (qualibus admittendis erat facilis) umbilico imposita theriaca, & ad noctem hausta emulio amygdalarum, cum levamine & lenimine illarum stricturarum.

Tantum de praegressis; Subsequentium adhuc faciendamentio. Mutatio quidem excretionem illam utut largam & repetitam non fuit insecuta notabilis. Alvus die altero fecit officium, deponendo feces naturales; die tertio & quarto non occurrit symptoma illud, nec successit aliud, sed res Senis tunc mansit adhuc in eodem. Per menses & annos sequentes Ipse nihil tale sensit vel passus est amplius, alvo difficili non obnoxius. Supervixit autem lustrum adhuc integrum, per gradus infirmior usque, Catarrhosus, Podagricus, &c. vegeto fortè appetitu tandiu sustentatus.

Reflectendo animum super Casum haecenus propositum, quaestiones oriri videntur & ventilari poterunt sequentes: Quis Affectus? Quod ipsi Subjectum? Quæ Causa? Quæ phaenomenorum Rationes?

Utrum fuerit Dysenteria? Non videtur. Praeterquam enim, quòd extra tempus illi ferè proprium aestivo-autumnale fuit, defuit etiam signorum pathognomonicorum biga, torminum & tenesmi violentia. Nec ita facile paucis expediri solet.

Dy-

Dysenteria propriè dicta. Nisi latius sumatur pro dejectione alvi cruentâ quâcunque aliâ ; Uti quidem in aphor. 48. s. 6 factum videtur : *Lienosis dysenteria* (utrum nostro casui similis vel hæmorrhoidalis, conformiter aph. 11. s. 6.) *superveniens bono est*. Et qualisnam illa, de quâ ad aph. 2. & 20. s. 1. Heurnius: *Febris ardens in juvene per hæmorrhagiam, in sene per dysenteriam, judicatur*. Noster quidem tunc erat apyretos.

Utrum fluxus fuit Hepaticus ? Qui huc non quadrat, si chronico ipsi aquosus & loturæ carniū similis est, qui funditur sanguis ; cum signis cachexiæ pituitosæ, pallidæ, subtumidæ. Quæ hîc defuerunt. Sin ad intestinalem quemcunque vel hæmorrhoidalem referatur ille, idem de utroque erit judicium. Nec alter Fluxus Hepaticus huc spectat, quo Hepar Dissolutum egeri vulgò dicitur ; quanquam & hic à vasorum sanguiferorum in stomacho vel intestinis aperturâ oriri, meritò statuitur à *Nat. Cur. Ill. Præside, Dn. D. Schroeckio*, in *Eph.* 3. 1. 165. Hepar tamen hîc prætermitti nequit, quippe terminus ad quem Venæ Portæ, imò per quem transeundum est sanguini omni per arterias plerisque imi ventris visceribus advecto, & ex ipsis per portæ ramos in cavam transferendo ; magni hinc in negotio hæmorrhagiarum alvinarum momenti, si quando se præbe difficile pro transitu.

Nec tamen Spleneticus. Eo sensu modoque, quo pervasis brevis amplitudinem in stomachum redundare & regurgitare facit sanguinem. Quanquam & hujus portio dejici soleat per alvum, altera tamen, major fortè, solet evomi ; sed aliter se habens, concreta, grumosa, magnam partem, nigra, præviis ferè tumidi hypochondrii & præcordiorum symptomatibus : imò accidentibus animi deliquiis. Cruor mesenterii non concrevit in dysenteriâ ; aliàs verò disruptâ stomachi venâ, protinus in stomacho grumescit. *Helmont.* sextupl. digest. §. 37. Cæterum hoc ipso tamen Lienis, Diverticuli, Glandulæ Sanguineæ, Succi

cen

enturiatæ Hepati, respectus ad venas intestinorum maximè inferiorum earumque reperationem, non negatur; modus tamen tunc subest diversus ab eruptorio in ventriculum.

Utrum ergò Hæmorrhoidalis? Quod videbuntur arguere phænomenorum antecedentium multa; in specie Podagra, dependentia hæmorrhoidalis, tam directæ, quàm inversæ, anorexia, siccato etiam non cautè satis pedum fonte ad pectus reflexa. Equidem ætatem *aphorismi* 30. sect. 3. Ille jam fuerat prætergressus: Hæmorrhoidum autem externarum, tumens, dolentium, fluentium, nec ante nec post illud accidens quidquam in suo se corpore observasse, respondit Senex, de illarum conditione informatus. Nec etiam internæ videntur respondere satis aut congruere huic casui, modo suo, quanto & quoto. Aliter venæ hujus s. aureæ s. plumbeæ fluxum non modo parciorem guttatim, sed & paulo largiusculum, describunt experti.

Quid ergò restat? Quid, nisi vel hæmorrhoidalis hæc interna vel hæmorrhagia intestinalis, superior analoga inferiori. Indè quæstiones problematicæ:

Utrum apertio & reclusio vasorum pro hac evacuatione singulari sanguinis per alvum facta fuerit in quodam intestino, tum tenuium vel crassorum? Solent autem peti signa 1. ab ordine exitus fecum & cruoris. Sed hunc merum prætendebat Noster, illas negavit, aut distinctè non observavit. 2. à tempore, post monitorium circumvolutionis citius vel tardius subsequente alvi solutione. In hoc casu non præceps quidem per modum incontinentiæ fuit elapsus, habuit tamen prævium lemem brevemque sensum veluti flatulentia urgentis. 3. à gradu modoque doloris. Sed de quo querelæ hîc fuerunt nullæ. Ex Colo quondam deduxit Molas Viriles Mirabiles, cum sanguine seroso multo, post gravem corporis perturbationem, dejectas,

B

Etas, Exc. Prof. & Arch. Dn. D. Zellerus, Patronus & Promotor meus pie venerandus.

Utrum fortior concipiendus sit impetus sanguinis per arterias compulsi & expulsi: an difficilior transitus per dicta inventris viscera, & repressio atque expressio venosi? Sunt, qui per injectiones liquorem ex ramis portæ in intestina adegerunt facile, longè difficiliorem ingressum per arterias experti; unde concluderunt, in profluviis intestinorum sanguineis ex venis mesentericis, earumque glandulis obstructis aut spasmodicè contractis, sanguinem eò regurgitasse.

Denique, utrum ad analogiam renum & mictus cruentus per ductus hepatis excretorios, alias choledochos, velut per ureteres, fiat quædam sanguinis perruptio & excretio? Et quibus signis hic fons dignoscatur ab alio quocunque? Quibus observatus? Concipitur autem facilior multò in pelvem è ren vasculoso & tubuloso fieri eruptio, quàm quidem è portâ v. cavâ in poros choledochi.

Quæ tandem ratio hæmorrhagiæ hujus? Utrum exoneratoria naturæ, depletoria abundantia, turgentia ventilatoria Bono fato determinata à superioribus ad inferiora, beneficium hujus singulare; quia fuit non pauca quidem, suos tamen mansit intra terminos. Nec fuit cum facie chloræ, ex *Epidem. Hippocr.* suspecta.

Sed, cur non recurrit? Cur natura viæ hujus non gnata tunc modò quæsit ipsam & invenit feliciter: sed in posterum non repetiit? In talibus individualibus, nisi quantum ex præmissis erui potest, aqua, fatemur, nobis hæret: nec ullis fas est scire quidem mortalibus omnia. Hoc novimus, talem expurgationem non emanasse ob positum ipsi tunc impedimentum, ob staculum, posthac ejus exclusivum.

Hinc superest & examini subjacet ultima quoque *potheoriam* therapæia. Quanquam non parva fuerit tunc an

morum perturbatio, sanguinem tamen sistentibus properare nec dum videbatur consultum, nec adhuc necesse. Ex fonte diætetico prior potius ordinabatur rerum non naturalium & observabatur usus legitimus; in specie Vini potus intermittebatur, ad tempus, substituto decocto familiari glycyrrhizæ, cum tantillo cinamomi; siti quidem ut dictum non urgente. Cibuserat non nisi levis, lenis, mollis & parvus, cremor hordei, orizæ, puliculæ, vermicelli, rad. scorzonæ, cum gelatinâ eboris & cornu cervini. &c. per dies aliquot. Ex fonte pharmaceutico non fuit sumtum remediorum plus, quàm nitri scrupulus, cum margaritarum & corallorum ana, duabus ad horam pomeridianam tertiam & quintam dosibus, in vehiculo aquarum domesticarum, ceraforum nigr. cinamomi cydon. cum tantillo syr. papav. erratici. Ad noctem scrupulus dimidius familiaris Ipsi corticis chaquerille, cum radic. gentianæ sex, massæ de cynoglossa tribus granis, in formâ pilulari deglutitus. Nihil ultrà; tunc quidem. Quæ tamen vellicationibus subindè podagræ, & catarrhorum vexationibus, nervis maximè posthac afflictis & infirmis, solitus fuit destinare vel opponere, spectat aliò; uti etiam cura fonticuli, repetitæ venæsectiones, &c. Enimverò in exemplum declinationis miræ & miseræ senilis dari possent plura ex frequentibus medico examine non indigna, cùm fuerit dicendum etiam de nostro: quantum mutatus ab illo! Sed hæc vice videatur manendum intra terminos thematis.

C. II.

Senior Priore, iustis quidem tribus, adeoque Grandævus, sed & viribus infirmior, corporis temperamento dissimilis, appetitu eò usque bono & liberiore diætâ similior, tempore anni diverso, alterum præbebit exemplum Alvi Senilis perinde Hæmorrhouzæ. Sc. mense, quo turgere quotannis incipit natura, martio, versus æquinocmium, quarto post PL. (sub

quâ præ cæteris lunæ phasibus prætendebat se plerunque pejus habuisse) aere post præcocem februarii virorem nuper iterum nivoso, gelido, tunc inconstante, temperatiore tamen, baroscopio ultra scalæ medium per dies plusculos elevato, (ut constet, non esse constans, sub lapsu tantum contingere hæmorrhagias) atque adeò juxta *aphor. 20. sect. 3: Vere fiunt inter alia etiam fluxiones sanguinis.*

Tali tempore Laudatus Senex profluvii per alvum cruenti prævia dedit signa: Venarum per artus plenitudinem & turgentiam insignem; (non solebat autem earum admittere sectionem) Fonticuli cruentationem largiusculam, non tamen narium; Puncturas nuper vel stricturas per dorsum; Alvum diu pertinacem, ut durius sæpè ad fecum exclusionem fuerit laborandum. Ad hanc molliendam & leniendam usus butyro recenti non parcè, bibit acidularum multum, has enim hîc nider nauenses, alibi gœppingenses, habebat familiares, laudare ipsas solitus ad intemperiem dicendam, interdum & ad noctem hausit emulsionem temperantem. &c.

Die nono igitur martii ad vesperam, ab alvo solutâ præter morem facilius, sine tali laborioso actu, observabatur excrevisse cum fecibus cruoris multum, per noctem iterum non parcè, & decimi mane porrò sanguis, purus, ruber, liquidus, vix cum grumulis, comparebat: ita ut vicibus intra nycthemeron quinque voluerit æstimari excreti quantitas ferè ad mensuram dimidiam.

Ad consternationem Suorum non parvam: dum Ipse animo firmior, observans se non adeò malè ferre hanc qs. sanguinis missionem, nec defectum adhuc indè sentiens vel virium (sc. superstitum senilium) vel in appetitu, pulsu sic satis constante & æquali, qualis ipsi per tantam ætatem mirum quàm solennis, siti tolerabili, &c. paucis sub hoc quoque evacuationis actu necdum comparente mutatione notabili, animos suorum

rum erigebat, sinere aliquantisper, observare naturæ tolerantiam paratus, medicamenta præter sua sibi hæctenus familiaria non petiturus, vix admissurus.

Quandoquidem hic Senum alter & major communia cum priore habet multa, quæstiones itaque prius propositæ recurrunt pleræque omnes, casusque alter alterum illustrat & declarat. Duæ hujus posterioris circumstantiæ, alvi difficultas prægressa, & conjunctus in primâ solutione alvi fecibus cruor, allegari poterunt pro subjecto & fonte in ultimo intestinorum & infimo, s. pro fluxu hæmorrhoidum interno: Cujus etiam præparatorii per dorsum motus sui dederant indicium, quibusdam ibi novis non tamen magnis dolorum querelis. Sed quæ in resolutione casûs prioris obstare videbantur rationes, & hîc aderant, sc. emissæ quantitas, quotitas. Modus ipse ordinis & permixtionis ita nec observabatur aut describebatur, ut determinari ultrâ possit. Nec aliàs guttæ vel striæ in detergendo, nec mucus indè fluendo, vel tunc vel prius, erat in communicatis & responsis ad quæsitæ: nisi quòd & hîc dolere vel tumere quidquam fuerit negatum.

Ergò non tam sepositis quàm suppositis capite priore propositis quæstionibus, cum tentamine responsionum, ulterius attendi inerentur & disquiri phænomena sequentia: Hæmorrhagia iterum senilis, & ætatis adhuc benè majoris, & naturæ infirmioris, magis afflictæ, ut mirum fuerit, & suppetiisse adhuc quantitatem justo majorem, quæ postulet imminui, & viguisse adhuc motum internum, qui urgeat, & arguat, Facultatem Expultricem s. gravatam s. irritatam. Nec enim in his casibus per modum simpliciter desciscentiæ, incontinentiæ, s. termino Veterum Facultatis Retentricis merâ debilitate factam fuisse hæmorrhagiam utramque intestinale, phænomenis consentaneum est, ut cæteris, ita subsequenter. Et quanquam sanguis erumpat facilius, quo serosior est & fluxilior, nondum tamen ta-

lis & tanta fuit hîc vinculorum Ipsius vitalium dissolutio, ut intulerit hæmorrhagiam vel particularem nimiam, vel ferè universalem, maculis insignem suspectissimis; qualem singulari quondam dissertatione cautè observandam docuit *Land. Exc. Dn. D. Zellerus*.

Auget admirationem dicta depositi cruoris quantitas. Nil paucum dicitur criticum. Quanta venæsectionis vel missionis sanguinis hîc naturalis alibi artificialis differentia? Si grando intra istas 24. horas ex venâ vel venis per chirurgum apertis missæ fuissent libræ duæ, quantum indè publicè foret murmuris, nec immeritò. Vide tamen & mirare observationes in *E. N. C. cent. 6. nr. 2. & sqq.*

Undè pro complemento historiæ rarioris accedit non tantùm deperditionis tantæ facilis tolerantia, quasi superfluum modò fuisset emissum, verum etiam hoc insolitum & improvisum absolutum fuisse intra diem naturalem, nec post se traxisse recursum, relapsum. Dum aliàs actuum etiam p. n. & in speciem hæmorrhagarum & hæmorrhoidum datur consuetudo nimis quàm facilis, periodorum frequentia.

Vel à venæsectione vulgari, etiam senili, intermissâ, sequi monitoria, quæ ipsius exigant repetitionem, observatur. Inter exempla passim nota memoriæ jam obversatur quoddam vetulæ, quæ septuaginta annos missionem sanguinis vere hætenus solennem vel non requirere, vel non admittere amplius rata, inquietudines indè, calores, palpitationes, cum doloribus capitis & dentium, nova sibi phænomena, sentiens & patiens, quin hæmorrhagiam narium experta, ad istud anni tempus, eapropter repetere maluit suam VS. utut parvula, ex succa, rugosa, & sensit inde levamen, & perrexit adhuc aliquoties.

Liceat hîc paucis etiam proponere exemplum hæmorrhagiæ Narium Senilis Spontanæ, raræ, quia frequens, largæ
fac

facilis tolerantia. Scilicet Senum in hac urbe, quod crediderim, maximè Senex, de quâ *Cætonites* olim ad *Lentilium* in theatro, Spasmo Clavi Hemicranii tandiu gravi obnoxia, ultimis annis, vere & autumno, aquè vegetam sustinuit hæmorrhagiam talem & superavit, ac juvenis; ex illâ quidem materis afflicti nare: æquæ utique cruori excepto, circumnatavit multum, sed & illi non paucò.

Benè quidem ista, in tantum, sed aliàs sæpè malè notatur fluere sanguis, maximè sub prædicato novi, insoliti, suspecti, etiam apud ætate minores, quanto magis apud tales, meæ adeò propinquos. Tam ex naribus quàm ex alvo fluxum alium, mictum quoque cruentum, fuisse Senibus prodromum cruentum, gravioris subsequuti fati, Apoplexiæ, etiam docuerunt exempla. Non ita impunè aperitur vena in cerebro, nec cranium ita emittit, uti egerit alvus, cruorem. In summo alium casuum, qualis interdum & quanta sit naturæ contentio, fortè ex ipso ultimo patet conatu, sive motu totius conussorio ad mortem, cum cruoris per os & nares eruptione.

Constat etiam, venam in extremis & infimis aperiri solitam, dictam fuisse auream, à longævitatæ spe; præservando ut liberando à periculis & morbis. Sed notum est non minus, requiri tot circumstantiarum concursus, ut prædicatum mereatur bonum, ut sit inter rarius obtingentia: aliàs aberrationibus, anomaliis, variè obnoxia. Aliud ergò est fluxum sanguinis periodicum servare ordinem, tenere modum, &c. aliud, talem insolitum venire ita q. ex abrupto.

Revertendo ad Presbyterum, ex ordine phænomenorum subsequens supersunt duo: Nec hinc egestionem illi alvinæ frequentem intra dictos quos observavit terminos opposita fuerunt schemata. Præter paucas Nitri, simplici permixtione Perlatis, oses non admisit Aromatis hujus Frigidi ex *Verulamio* sive p. onus sive cliens; Fuit enim Ille ipse, cujus facta quondam fuit

fuit mentio in disp. d. nitro. A multis autem annis prætendebat hoc suæ naturæ conveniens, negabat, quantumvis senex, se ferre aromatica calidiora, utpote à quorum usu soleat pati palpitationes cum intensione caloris interni: præ quo per vitam aliàs sanus, facie rubellâ, non tamen pinguescens, de ipso in extrema adhuc ætate non rarò querulus.

Quæ debilitati senili analeptica, quæ catarrhis frequentioribus pectoralia, lenientia, laxantia, &c. destinare aliàs fuerit solitus, non tamen Podagræ obnoxius, de speciali modò symptomate extraordinario solliciti seponimus: & *Lect. Ben.* commendamus Valetudinarium Senile, quod publico bono reliquit Præsidis *B. Parens*, & *B. D. Caroli*.

Illud tamen non prætermittendum, quod suprà inter phænom. antec. per remotionem fuerat dicendum; hunc sanguinis fluxum non concitarat usu aloeticarum s. pilularum sive elixirium justo frequentiore vel largiore. Idem dictum puta de Sene Priore.

Alterum ex succedaneis notabile est Venæ Sectio: De qua per 40. annos intermissâ ob grandem ætatem nemo cogitavit amplius, deliberatum fuit denuò, cùm metueretur vel recursus fortè importunior, vel decubitus retenti ad locum majoris momenti; hirudinum autem sedi applicatio vel locum non haberet vel non placeret. Sene Ipso igitur inclinante, medico non repugnante, medio maji secta fuit vena brachii dextri. Obstabat in pede tumor oedematosus, subtumebant etiam manus & rigebat parum inflexi cubiti articulatio; operatio tamen successit feliciter. Quo ipso audacior missionem repeti voluit autumno & vere anni sequentis. Inter alias fortè rationes appetitu bono subministrante materiæ satis; & viribus respondentibus s. concedentibus adhuc utcunque, non tam externi corporis, s. artuum, quippe sellæ inhærens motu progressivo ferè carebat, quàm cerebri, cordis, stomachi.

Etc.

Etenim vixit ab istâ Profusione adhuc per sesqui annum, alteriorem nullam posthac expertus: Donec tandem autumno, qui malè audit *aphor.* 9. s. 3, gravioris ab insultu catarrhi solito languidior, abriperetur acutè.

C. III.

Ed variant mirum quàm fata mortalium: Quæque, manendo aut pergendo in nostro themate, egerit alvus, dicto modo, procedunt Comitata interdum Symptomatibus gravioribus, eaque inter maximè Deliquiis, tam cum, quàm sine Vomitibus. Transeant modò Vomitus Cruenti casus memorabiliore, qualis vel olim à *Præsidis Germano*, Patrono Meo venerando, curatus & descriptus legitur in *E. N. C.* 3. 6: Sanis hîc consideratur ut catarrhopos, non anarrhopos. Hinc præ Priori jam Bigam alteram subjungemus, diversimodè se habentem, nec parili gavisam sorte, quæ eo ipso tamen, quo distinguit ab illâ, distinctam meretur considerationem: contraria juxta se posita magis elucescunt.

Fuerunt duo Priores Senectæ Mediæ & Extremæ Viri, sequatur Tertius, Primæ adhuc intra annos constitutus, prope sexagenarius, habitus corporis brevioris, crassioris; cui alius hæmorrhousa non perindè fuit indifferens, sed fati prænuntiatio. Sc. per tres annos tetigerat duri quid, magnitudine ut ajet thaleri, in vel sub latere dextro, per sinistrum liber; accesserat color quidam obtusus gravativus premendo molestus in hoc hypochondrio, cum appetitu non abolito, ut cibos tamen multos non ferret ob hanc ipsam molestiam hypochondriacam, immo siti majore: A vomitu ciborum & pituitosi muci (nunquam sanguinis) sæpè sibi parum levare visus, sed nunquam constanter, utut enim gravamen illud fuerit non semper æquè magnum nunquam tamen plenè remisit. Loco illo etiam externè compresso, & decubitu super latus ægri dextrum, vomitus prodebat facilius. Tandem ergò hic æger adhuc orthostadios

tempore quidem verno noctu alvum aliquandò soluturus miratur fieri subitaneam & involuntariam qs. eruptionem magnâ in copiâ; cui cum sensu indicibili (ut postea narravit Ipse) alicuius è ventre ascendentis vaporis mox supervenit deliquium. Videbatur operæ pretium inquirere in id, quod modo ita insolite cum tantâ alteratione fuerit dejectum: Et dicitur comparuisse colore atro, qs. piceo, Cruor partim concretus partim adhuc fluidior. Post aliquot septimanas recurrit talis deliquium comitata reiectio: inde secutus pallor, languor, sudor facilis, urina vix mutata, pulsus citior. Necdum erat malorum finis: Supervenit tertiâ vice similis materiæ atro-rubræ dejectio magna; undè his tribus intra ultimum vitæ quadrantem confectus æger occubuit. Vomitus dicebatur præcessisse illarum solutionum alvi unam vel alteram, nescio præcisè quam, non tamen omnes. Evanuerat ante obitum Scabies quædam parva diu admodum mordax. Adde & hæc duo: Causæ occasionalis, externæ violentiæ, nihil præcesserat; Cruoris vel multum pauci ex alvo, aut doloris per extremum loci, etiam præcesserat nihil.

Aliàs solet *Morbus Niger Hippocratis* ab isto excretorum colore dictus deduci ab hypochondrio sinistro, s. referri ad Lienem: Sed huius affecti signa hoc in casu non comparebant. Prior hypochondrii dextri & eorum quæ sub ipso latent habendæ ratio. Cum neque venter post mortem fuerit inspectus, neque suppetat farrago remediorum morbo frustra oppositorum, quæ ad examen proponi possit: Quapropter in re obscurâ & dubiâ proponemus modò iterum quæstiones disputabiles:

Utrum subjectum Tumoris, qui tangebatur manu, fuerit Lobus quidam Hepatis auctus vel excreescens, induratus, scirrhusosus, premens Stomachum? Scabies, Sitis, Sudor, &c. forsân aguerent hoc Viscus. Vel Pylorus, Pancreas, aut utrumque? Ve

mituum enim talium ratio in horum tumore, obstipatione, oc-
clusionone, constitit aliàs per anatomiam practicam.

Porro, Fons profundæ illius materiæ piceæ & cruentæ, utrum
fuerit ipse Locus ille Affectus; venis diu extensis fortè varico-
sis tandem ruptis? An verò Sanguis hoc ipso tumore in suo cir-
culo impeditus coactus fuerit erumpere alibi. Ubi? Non in sto-
machum, ob nullum vomitum cruentum. Ergò in aliquod In-
testinorum.

Denique Uter ex *aph.* 22. & sqq. sect. 4. ad hunc quadret
casum & sequentem? *χολή μέλαινα, ἢ αἷμα μέλαν*? Duo enim sunt
nobis humores, qui p. n. nigrescunt: Bilis & Sanguis. Quem
alterum hæcenus subfuisse casuum quadrigæ statuimus. Sed,
utrum ille morâ, vel ab acido, ex rubro desiit in atrum?

C. IV.

Superest Quartus ex Selectis ad thema nostrum: Sed Hic
nondum Senex, annorum tamen 47. mediocris corporis
habitûs, Ministerii pariter Ecclesiastici, præter molestias
Ischiadicas longas Sanus, officio devotus, post Pressionem Præ-
cordialem per aliquot vespervas, tragæâ non levandam, in viâ
ad Sacra Vespertina vertigine & horripilatione prehensus, vix
Templum attigit, ibi concidit, Deliquio correptus gravi. Ex
quo sensim ad se rediens, capite turbato, auribus susurrantibus,
domum delatus, deiecit statim per alvum, quæ à suis diceban-
tur planè nigra; nec semel, sed aliquoties, parcius tamen usque
per dies duos tresve. Videbatur Ipse sibi valere iterum melius,
reversa etiam alvus in statum naturalem, cùm die quinto ma-
nè largiter iterum solveretur liquidis nigris, dictis piccis, com-
paratis atramento sutorio, diffuso super aquam subjectam ad in-
signem nigritiem. Nihilominus demùm post hujus diei cœnam,
non sine appetitu absolutam, circa horam noctis nonam, præ-
viam iterum vertiginem, tinnitum aurium, horridum per po-
stica

stica dorsi ascensum, &c. excepit deliquium nupero non levius. Sed per Dei gratiam nullum abhinc amplius. Prius fuit d. 19. Novembr. alterum post d. 21. Novembr. Abhinc alvus quoti die quidem deponebat pauca sed duriuscula, concreta, nigra usque ad quartum Decembris, quo post noctem non malam prævio insolitæ amaritiei in os ascendentis sensu tamen deorsum tandem mota natura observata fuerit deiecisse feces iterum naturales, non sine mucro tamen. De cætero cum his dej. & del. nulli dicuntur accessisse vomitus: A primo actu pressionem præcordialem remisisse: decubitum utrumque fuisse liberum, in differentem: hyponchondria nec dura, tensa, nec dolentia. Uti quidem scribebatur. Evasit autem Hic feliciter; Superest & valet adhuc post annos benè multos.

In hoc casu, Collateralis hæmorrhoidibus Ischias, prætensa Hypochondriorum libertas, dum premebatur Epigastrium, absentia Vomitus, dum ad infra ruebat impetus, procedens ad tantam naturæ consternationem, &c. Hæc talia cum se referant ad quæstiones illas dubias, ventilationi prius destinatas pro determinando præcisius ex portæ venâ Fonte cruoris, diversi adeò per hos casus, &c. atque adeò cum Controversiarum Theoreticarum videatur esse satis: Sub finem ergò subeat examen Therapeia, sive Consilium, per literas ad petatum prope re transmissum.

Binis quidem Vicibus. Primâ: Ex intuitu prægressi doloris, si pulsus, si virium admiserit ratio, mittatur adhuc Sanguis ex venâ pedis sinistri illâ, cui nomen ischiadicæ. Injiciatur in gratiam non intestinorum modò sed & viscerum vicinorum, sanguinis circuli præsidium, Enema per dies alternos ex dec. flor. verbasc. herb. trifol. fibr. cum ol. chamomill. multo, & dosi nitri. Epigastrio modò imponatur linteolum Aq. Hungariæ madidum calens, modò illinatur oleum rosarum camphoratum; Hypochondrio sin. detur ex more recepto ol. Capparum; Impositis

utrin-

utrinque desuper facculis chamomill. menth. verbasci; Nec desint suppedanea ex fermento, rutha, sinapi, juniper. cum aceto; Si recurrat (quod Deus avertat) parox. naribus acetum rosac. aqua hungar. vinum, esto pro refectione externâ.

Internè detur manè, vesperi, noctu scrupulus, drachma semis, pulveris ex Nitri puriss. drachm. duabus, corallorum, crystallorum, antimon. diaphor. cinabaris ant. præpar. ana drachm. dimid. Horâ ante prandium & cœnam guttæ quadrag. tinct. mart. cydon. & elix. aperitivi. Vehiculum esto vel aq. domest. senec. veronic. v. cerasor. vel jusculum, vel infusum theiforme, frequenter sorbillandum, ex summit. millefol. man. sesqui, meliss. dimid. flor. cichor. nymph. borrag. bugloss. ana pug. un. Temporis quod reliquum est habeat Electuarium: Conf. rad. cichor. unc. una. acetosell. meliss. ana unc. dim. alkerm. c. spec. diacret. ana drachm. syr. cichor. q. s. Diæta præscripta prolixius hîc recensenda non videtur, non quòd non necessaria, sed quia valeat illud Tiberii apud Tacitum. Æquum foret postulatum à tali Viro: Sui Ipsius esse Medicum, hâc quidem ex artis parte. Vino tamen in specie interdictum, substitutum fuit decoct. rad. cichor. cum passulis & cinamomo. &c.

Alterâ vice: Sumantur per dies quatuor aut sex pro effectû & tolerantia, mane alterno, modò Rhabarbari drachma dimidia, modò Nitri scrupulus semis, cùm Diacretæ scrupulo. Ad vespèram Essentiæ Millefolii guttæ quadrag. Singulis noctibus pilulæ novem pond. grani unius, Extr. rhabarbar. cichorei ana part. duab. trifol. fibr. aloes præpar. myrrhæ, gumm. ammoniac. ana. part. un. mastich. benzoës ana part. semis. Cibis omnibus admisceatur diu largiter Gelatina. Posthac usurpentur Juscula recent. rad. cichor. herb. endiv. nasturt. aq. alterata.

Norit autem Æger, per Dei gratiam convalescens, si maximè requiescat Sanguis, quàm sit cauto opus, ne recrudescat, ut moris est mali huic morbo: Itaque census fuit institutus sex rerum non nat. cum applicatione ad hunc ægrum.

TANTUM.

COROLLARIUM.

Etiam Infantibus observatur prodire cruenti quid ex alvo interdum quibusdam: Non illis modò, quibus laborandum est ad feces duras, inter alias fortè causas etiam lacte spisso Vaccæ vetulæ gravidæ, ad sudorem capitis, ad guttam unam & alteram expressi cruoris; verum etiam in altera infantia gradu constitutis, majusculis, quibus absque tali difficultate liberius & plusculum fluxit cruoris liquidi, ut ex improviso, sic inconstanter, & absque evidenti nexu cum morbo aliquo, nisi dentium, vermium, similisve ratio videatur subesse aut præcox hæmorrhoidum. Fuit autem extra tempus, præter morem, dysentericum.

SOLI DEO GLORIA.



Incipiat vernare Tibi Fortuna, feratque
Fructus multiplices, flante Favore Dei!

*Clar. Dno. Candidato
gratul. scr.*

Præses.

Cum plures eadem passi egressere cruenta,
Cur non eventu fata eadem referunt?
Disputa, & eventûs causas scrutare latentes!
Constanterque Tuas res quoque prosper age!

*Nobiliss. Dn. Licentiatto Plattenhardt
gratul.*

Elias Camerarius D.

Sanguinis ut fluvium medicina tollis in ægro:
Sic Sanguis Christi sit Medicina Tibi.

Wie Er den Blut-Fluß heilt: so seye Christi
Blut
Auch Ihm mein werthster Freund/ vor alle Schâ-
den gut.

*Ita Nobilissimo Domino Licentiatto, Amico &
Convictori suo suavissimo, astumatissimo
ex animo precatur*

Christianus Hagmajer,
P. P. O. & Contub. Rector.

CArmina quid poscis, debes spatio huicce Co-
rollas:

Litibus haudquaquam Versibus hic locus est.

*Nobil. & Clariss. Domino Candidato
in antecessum opponit
prospera quæque precatus*

Alexander Camerarius, D

DE Cathedrâ ad Lectos Ægrorum tendis Ami-
ce,

Ut spero Felix dexteritate Tuâ.

Hoc debebat amicitiaë monu-
mentum

Clarissimo Domino Candidato

Michael Elvvert

Lib. Imp. Reutlingæ Physicus

Discursus Medicus benè scribitur Atramento,
Verum Anima in Rubro est Sanguinis Ho-
spitio.

Ergo hunc Theaurum Vitæ servare studeto!

Adscribam Claris sic benè Te Medicis.

Philiaten

